

መልክአ እግዚአብሔር አብ

እግዚአብሔር ባዕል ዘኢትነዲ ለግመራ። ጎሩመ ምንዳቤ ወተጽናሽ ወግብረ መከራ። ትቤ ነፍሱየ ዘአፈድፈደት ቃለ ገዓራ። ያብዕለኒ ተሣህሎትከ መብዓሌ ንጉሥ ሐራ። ከመ አብዓልኮሙ ቅድመ ለሄኖክ ወዕዝራ።

ኦ ዘትቤሎ ለእስራኤል ቁልዔከ። ወአበቋዕ አፉየ ምላዕ ስብሐቲከ ወይኩን መክፈልትየ ከመ እሰብሕ አኮቴተከ። እስመ አምላክ ጽድቅ አንተ ዘኢኮንከ ድሩከ።

ኦ ከሣቴ ራዕዩ ለዮሐንስ ነቢየ ፍጥሞ። ክሥት ሊተ እግዚአ ለአንብቦ መጽሐፍ ወተርጉሞ። ወወጢነ ግብር ሐዲስ ምላዕ ለፈጽሞ። ከመ እንብብ ሕገ ዚአከ በልሳነ ሐዲስ አቅሞ። ዘአልቦ ጽርዓት ወአልቦ አርምሞ ።

ሰላም ለዝክረ ስምከ ስቡሕ ወውዱስ፡ ዘትሴባሕ ወትረ በአፈ ኩሉ ዘነፍስ **፪ማ፡ እግዚአብሔር አብ** እስመ አልብከ ተጽናሽ **ማ፡** እምቅድመ ዘመን ዘመናዊ ወድኅረ ዘመናት ሐዲስ። እንዘ ለዘመናት አንተ ሕገ ዛሕን ወመርስ ።

ሰላም ለሥዕርተ ርእሰከ መድምመ ጽዕዳዌ ጽዕዱቱ። ወለርእሰከ ዓዲ ቢጸ ተባይዖ አልቦቱ **፪ማ፡** **እግዚአብሔር አብ** አበ ጎሩያን ክልኤቱ **ማ፡** ፀሐየ ሥሉስ ዋህድ ሠርጐ ምልዓ ዓለም የሐቱ። እስከነ ምዕራብ ወወርቅ እምላዕሉ ወታሕቱ ።

ሰላም ለገጽከ ዘተሰብሐ ወተመዝገነ። ዘምስለ ክልኤ ገጻት እንዘ ያርኢ ብርሃነ **፪ማ፡ እግዚአብሔር አብ**

ሰላም ለቀራንብቲክ ወለአዕይንቲክ ብሩሃት።
ዘኢይትጋወሮን ጽልመት **፪ማ፡ እግዚአብሔር አብ** አበ
ብርሃናት **ማ፡** አብርሆን ለአዕይንትየ ከመ ኢይኑማ
ለመዊት። እስመ ለከ ኃይል ወለከ ስብሐት።

ሰላም ለአዕዛኒክ አጽማዕያነ ጸሎት ኩለሄ።
ወለመላትሒክ ዓዲ እለ ተአጽፋ ነደ ሡራኄ **፪ማ፡**
እግዚአብሔር አብ ዘትትዌከፍ ምልዕ ስባሔ **ማ፡**
ተወከፍ ወትረ ጸሎትየ ወብሂሎትየ ኤሎሄ።
ወአውይዎትየ ከመ አርዌ ዘይሰመይ ግሔ ።

ሰላም ለአእናፊክ መሣክወ ጼና ርኅው። ወለከናፍሪክ
ዓዲ አናቅጸ ንባብ ፍትው **፪ማ፡ እግዚአብሔር አብ**
ዘኢትመውት ሕያው **ማ፡ እግዚአብሔር** ሳን
እግዚአብሔር ታው። በኩሉ ወውስተ ኩሉ ለዓለም
ህልው ።

ሰላም ለአፉክ ከመ አፉሁ ለአዳም፡ ወለአስናኒክ ዓዲ
አስናነ መለኮት ግሩም **፪ማ፡ እግዚአብሔር አብ** ህልወ
ትካት እምቅድም **ማ፡** ዘትሄሉ ወትረ ድኅረ መጽአ
ዘመነ ሐዲስ ዓለም። ምልዕተ ጸጋክ በስብሐት ፍጹም
።

ሰላም ለልሳንክ ዘኢይነብብ በግዱድ። ወለድምፀ ቃልክ
ሐዋዝ ድምፀ ነጐድጓድ **፪ማ፡ እግዚአብሔር አብ**
አጋዜ ዓለም በእድ **ማ፡** ያስተናብበኒ በልሳነ ኩሉ
ነገድ። እስመ መስተናብብ ብክ ጰራቅሊጦስ ነድ ።

ሰላም ለእስትንፋስክ እስትንፋስ ሕይወት ወጥዒና።
ወለጉርዔክ ዓዲ ኖኅተ ለኖሳስ ወዴዴ ጉህና **፪ማ፡**
እግዚአብሔር አብ መድምመ ልዕልና **ማ፡** ዘታበድር
ጽድቀ ወይዋሄ ወግብረ ኩሉ ትሕትና። ትዕቢትሰ
አውደቆ ለሳጥና ።

ሰላም ለጽሕምክ ለዘኢይትረከብ አቅሙ። መንክር ቆሙ ወዕሙቅ ክበበ ግድሙ። **እግዚአብሔር አብ** ለአሮን ከመ ጽሕሙ **ማ፡** አሠንዮ ለጽሕምየ በጠለ ረድኤት ዝናሙ። ወደመና ሣህልክ ሉዓላዊ ዘልዑል ምሥያሙ ።

ሰላም ለክሣድክ ዕባየ ግርማ ዘየዐውዶ። ወለመትከፍትክ ዓዲ እለ ሕልዋን በተዋህዶ። **እግዚአብሔር አብ** ክቡተ ኅቡዕ ዘእምተግህዶ **ማ፡** ኅብዓኒ በጽላሎትክ እንዘ ያስተናሥኝ እዶ። አመ ከመ እሳት ወልድክ ያውዒ ክርዳዶ ።

ሰላም ለዘባንክ ዘኢያገምሮ ኪሩብ። ወለእንግድዓክ ዓዲ ምርፋቀ የዋሃን አርባብ **፪ማ፡** ባሕረ ጥበባት ዕሙቅ **እግዚአብሔር አብ ማ፡** ያጥብበኒ እምዕበድየ ለወልድክ ጠብብ፡ እስመ ነገሩ መድምም ወኪኑ ዕፁብ ።

ሰላም ለሕጽንክ ከላስስተ ጸጋ አተቦ። ወለአእዳዊክ ዓዲ መግቦተ ዓለም ምልዓ መግቦ **፪ማ፡ እግዚአብሔር** ክብርክ ዕፁብ ለተናብቦ **ማ፡** መድምም ጥቀ ሰሚያቱ በኅበ ዕዝነ ልብ ዘቦ፡ ወለመንግሥትክ ፍጻሜ ዘአልቦ ።

ሰላም ዕብል ለመዛርዒክ መዋዕያዌ። ወለኹርናዕክ ዓዲ በተሰናዕዎ ህላዌ **፪ማ፡ እግዚአብሔር አብ** መፈውስ ደዌ **ማ፡** ንድፍ ደዌ ዚአየ በሐፀ ፈያት አርዌ። ወግብርክ ያሕይወኒ ዘኮነ ማኅየዌ ።

ሰላም ለእመትክ እመታተ አምላክ ግሩም። ወለእራኅክ ዓዲ አኃዜ ስፋሕ ዓለም **፪ማ፡ እግዚአብሔር አብ** ብሔተ ሥልጣን እምቅድም **ማ፡** ዘህልው በልዕልና ዲበ መንበረ ነድ ወፍሕም። ወለእለሂ በየማን ወጽግም።

ሰላም ለአፃብዒክ ሕሩመ ሐኬት ለፈጢር።

ወለአጽፋሪክ ዓዲ እለ ቀጸባሁ ለግብር **፪ማ፡**

እግዚአብሔር አብ ወላዴ ጎሩት ወፍቅር **ማ፡** ወምላዕ
ጾታ ኩሉ እምውስተ ሰማያት ወምድር። ዘትሜግብ
አንተ እስከ የብስ ወባሕር።

ሰላም ለገቦክ መብረቀ ስብሐት ልብሱ። ወለከርሥክ
ዓዲ ኢውሱን ራህበ መቅደሱ **፪ማ፡ እግዚአብሔር አብ**
ወለወልድ ቅዱስ መንፈሱ **ማ፡** ኪሩቤል ወሱራፌል
እለ አክናፊሆሙ ስሱ። ኪያስ ወትረ ይቄድሱ ።

ሰላም ለልብክ ጻድቅ ወየዋህ። ወለሕሊናክ ዓዲ
ማእምረ ዘመን ነዋህ **፪ማ፡ እግዚአብሔር አብ** በአፈ
ኩሉ ስቡሕ **ማ፡** እስመ ሣህልክ ወምሕረትክ ብዙኅ።
የማንክ ለምሕሮ ኩለሄ ስፉሕ ።

ሰላም ለኅንብርትክ ዘመድምም ርእየቱ። ወለሐቄክ ዓዲ
መንክር ሠርጐ ቅንዓቱ **፪ማ፡ እግዚአብሔር አብ**
ንጉሠ ላዕሉ ወታሕቱ **ማ፡** ያቅንተኒ ጋጋ አርምሞ
እስመ መዋዒ ውእቱ ። ለአርዌ ዐመፃ ፀርየ ከመ
እማዕ ቦቱ ።

ሰላም ለአቀሥያጺክ አቀሥያጸ መለኮት ክቡድ።
ወእብራኪክ ዓዲ ዘምስለ ሰጊድ **፪ማ፡ እግዚአብሔር**
አብ ወላዴ ዋህድ ወልድ **ማ፡** ቀደሱክ በኅባሬ ትጉሃነ
ሰማይ ነገድ። አመ እመንበሩ ተነጽሐ ዕድወ ደም
ወእብድ።

ሰላም ለአእጋሪክ ዘያንቀለቅል ምድረ። ወለለኰናክ ዓዲ
ዘምስለ መከየድ ኅብረ **፪ማ፡ እግዚአብሔር አብ**
ዘእምቅድመ ዓለም ነበረ ፡ ወጸንዐ በተዋህዶ እስከ
አስተጋብአ ምድረ። ወእምቅድመ ገቢር በለብዎ
ዘፈጸመ ግብረ።

ሰላም ለአፃብዒከ ወለአጽፋሪከ አሠርቱ። ለተዋህዶ ህላዌ እለ ልጹቃን እመንቱ **፪ማ፡ እግዚአብሔር አብ** ለአዳም ጥንተ ሕይወቱ **ማ፡** ያሕይወኒ ሕያውናከ እሞተ ኃጢአት ከንቱ። እስመ ለሐይው ልብዩ ይፈቱ ።

ሰላም ለአካለ ቆምከ ኢውሱን እም አቅም። ወለመልክእከ ዓዲ ዘግርማ ራዕይ መድምም **፪ማ፡ እግዚአብሔር አብ** አበ ብርሃናት ግሩም **ማ፡** ቃልከ ወሕይወትከ ግሩመ መልክእ ወቆም። ለመንግሥትከ ዘአልቦ ተፍጻም ።

ኦ አምላክ ኩሉ እንዘ አምላክ ጽድቅ ባሕቲትከ። ወኩሉ ገበርከ በፈቃድከ **፪ማ፡ እግዚአብሔር አብ** አምጣነ ተጽናስ አልብከ **ማ፡** ምርሐኒ ፍኖተ ጽድቅ ወአለብወኒ ሕገከ። ወኩሉ ቅሩብ ወሥሩዕ በኀቤከ።

ስብሐት ለከ **እግዚአብሔር** በኑልቄ ዕለታት ወለያልይ። ስብሐት ለከ **እግዚአብሔር** በኑልቄ ክረምት ወሐጋይ። ስብሐት ለከ **እግዚአብሔር** በኑልቄ መዋዕል ብሉይ። ስብሐት ለከ **እግዚአብሔር** በኑልቄ ኩሉ ዘኢይትረአይ፡ ስብሐተ ቅድምናከ ዘልፈ ይነግር ሰማይ።

ኦ እግዚ አብሔር አብ ዕቀበኒ ወአድኅነኒ እመከራ ሥጋ ወነፍስ ሊተ ለገብርከ ዕገሌ ለዓለመ ዓለም አሜን።